

Script of Evening Gojri News Bulletin 20 July 2024 at 1700 Hrs

ايوننگ گو جری نیو ز بلیٹن مورخہ 20 جولائی 2024

یوہ آکا شوانی جموں بے مشرف اعظیم تے طارق ابرار تیں خبر سنو۔ پہلاں خاص خاص خبر۔

- * 1۔ سرکار نے پارلیمنٹ غا بجٹ اجلاس غے پیش نظر کل جماعتی میٹنگ طلب کی ہے۔
- * 2۔ جموں کشمیر غا لیفٹنٹ گورنر منوج سنہا نے کہیو ہے جے وادی کشمیر غی طرفوں جموں خطہ تیں وی دہشت گردی غو صفایو کر دتو جائے گو۔
- * 3۔ فوج غا سربراہ خطہ غی سلامتی صورتحال غو جائز و لین واسطے پُج گیا ہیں۔
- * 4۔ 26 جولائی تیں شروع ہون آلی پیرس اولمپکس مانہ بھارت غی نمائندگی 117 اتھلیٹ کریں گا۔
- * 5۔ تے محکمہ موسمیات نے اگلا ہفتہ تیں جموں خطہ مانہ بارشاں غی پیشنگوی کی ہے۔

خبران غی تفصیل نال پہلاں مشرف اعظیم۔

All Party Meet

مرکزی سرکار پارلیمنٹ مانہ بجٹ اجلاس غے پیش نظر پلک تمام پارٹیاں غی کل جماعتی میٹنگ منعقد کر رہی ہے۔ جس مانہ سرکار پارلیمنٹ غا دوہاں ایواناں غی کاروائی خوش اسلوبی سنگ چلان واسطے تمام سیاسی جماعتاں کولوں تعاون طلب کرے گی۔ بجٹ اجلاس آتا سوموار نانہ شروع وے گو اور منگلوار نانہ خزانہ غی وزیر نر ملا سیتھا رمن لوک سبھا مانہ مرکزی بجٹ 25/2024 پیش کریں گی۔ بجٹ اجلاس اگلا مہینہ غی 12 تا ریخ توڑی جا ری رہ گو۔ یوہ مودی حکومت غا تیجی بار اقتدار مانہ آن توں بعد غو پہلو بجٹ وے گو۔ گذشتہ مہینے پارلیمنٹ غا دوہاں ایواناں سنگ خطاب کرتاں واں صدر جمہو ریہ درویدی مرمو نے کہیو تھو جے یوہ بجٹ سرکار غی دور اندیش پالیسیاں غا حوالہ سنگ موثر دستاویز وے گو۔ سرکار غی طرفوں اس بجٹ اجلاس مانہ 6 نواں پل پیش کرن غی توقع ہے۔

LG Terrorism

پاکستان ور دہشت گرد سرگرمیاں مانہ تیزی لیا غے جموں کشمیر مانہ بد امنی پھیلان غو الزام لاتاں واں لیفٹنٹ گورنر منوج سنہا نے کہیو ہے جے سلامتی دستا وادی کشمیر غی طرفوں خطہ جموں تیں وی دہشت گردی غو خاتمہ کر دے گی۔ انہاں نے کہیو جے پڑوسی ملک جموں کشمیر غی ترقی نانہ ہضم نہیں کر پارہیو ہے۔ اور دوہا رہ تیں جموں خطہ مانہ دہشت گردی نانہ بابدو دے رہیو ہے۔ لیکن کسے وی قیمت ور جموں مانہ دہشت گردی نانہ پروان نہیں چڑھن دتو جائے گو۔ ایل جی موصوف نے ان خیالات غو اظہار شیر کشمیر کنونشن سینٹر سرینگر مانہ سٹارٹ اپس پورٹل اور حوصلہ 2.0 غی آغازی تقریب غے دوران کیو۔ اس بارے گل کرتاں واں ایل جی موصوف نے اس طرح کہیو۔۔۔ بانٹ۔

Army Chief Jammu Visit

فوج کا سربراہ جنرل اُندر دویویدی اج جموں کشمیر یوٹی مانہہ حفاظتی اقدام با رے جائزو لین خاطر جموں پُج گیا ہیں۔ یوہ دورو نوین دہلی مانہہ جمعہ غے روز وزیر اعظم نریندرمو دی غی سر پرستی مانہہ کابینہ کمیٹی برائے سلامتی غا اجلاس غی پیروی کرے۔ جس مانہہ دہشت گردی نانہہ ختم کرن با رے اقدامات ور تبادلہ خیال کیو گیو۔ جنرل دویویدی فوج تے پولیس افسران غے ہمراہ حفاظتی صورتحال غو جائزو لین گا۔

VDG

جموں خطہ مانہہ بدھتا دہشت گردانہ حملان نانہہ دیکھتاں واں مرکزی سرکا ر نے گرائیں دفاعی محافظان نانہہ جدید ہتھیاراں سنگ پھر تیں بحال کر رہی ہے۔ مرکزی وزیر مملکت ڈاکٹر جتندر سنگھ نے اس گل غو اظہار کرتاں واں کہیو ہے جسے دہشت گردی سنگ نمڑن واسطے نووں لائح عمل اپنایو جا رہیو ہے۔ جس واسطے حفاظتی انتظامات وروزیں اعظم نریندرمودی نے وی اپنی نظر بنا رکھی ہے۔ وزیر موصوف نے گذشتہ روز کشتواڑ غا دورہ ور تھا جت اُن نے کہیو ہے گرائیں دفاعی محافظ دہشت گردانہ معاملات سنگ نمڑن با رے اہم کردار نبھا رہیا ہیں۔

PM Twitter Followers

سماجی میڈیا پلیٹ فار ایکس غا سی ای او تے ارب پتی ایلن مسک نے وزیر اعظم نریندرمودی نانہہ ایکس جس نانہہ پہلیں ٹیویٹر غا نام سنگ جانیو جا ئے تھو ور سب توں متا فالور ہون ور مبارکباد دتی ہے۔ پچھلے ہفتے وزیر اعظم نریندرمودی غا ایکس ور 100 ملین فالورز ہو گیا تھا جس نال وے عالمی سطح ور امریکہ غا سابق صدر بارک اوبامہ توں بعد دوجا مقام ور پُج گیا ہیں۔

NEET Ranchi

راجندر انسٹیٹیوٹ آف میڈیکل سائنسز غی انتظامیہ نے ایم بی بی ایس طالبہ سوربھی کماری نانہہ انڈر گریجوٹ نیٹ پیپر لیک معاملہ مانہہ ملوث ہون ور معطل کر دتو ہے۔ انتظامیہ نے اس معاملہ ور 5 رکنی کمیٹی تشکیل دتی ہے۔ جہڑی اس با رے تحقیق کرے گی۔ سی بی آئی نے گذشتہ روز اس طالبہ نانہہ ہو سٹل تیں گرفتار کیو تھو جس نانہہ 3 تہاڑاں غی ریمانڈ تے پو چھ گچھ واسطے حراست مانہہ لیو تھو۔ اس دوران سوربھی کماری نے تفتیش غے دوران اس گل با رے قبول کیو ہے اس نے نیٹ امتحان غو پیپر حل کیو تھو۔ اسے دوران این ٹی اے نے نیٹ یو جی امتحان غو نتیجو سینٹر تے شہراں غے تحت اپ لوڈ کر دتو ہے جس با رے عدالت عظمیٰ نے اس تیں پہلیں اپیکس کورٹ نے وی این ٹی اے نانہہ اج 12 بجے تک نتیجو سینٹر تے سیٹر وائر کٹن پارے ہدایت دتی تھی۔ جس تیں بعد نیٹ امتحان غو نتیجو ویب سائٹ

neet.ntaonline.in

ور دستیاب کرا دتو ہے۔

Poonch Traffic

پونچھ پولیس غی طرفوں ضلع مانہہ ٹریفک قوانین غی خلاف ورزی ور روک لان واسطے اک ہفتہ توڑی چلن آلی مہم شروع کی۔ اس مہم غے دوران پولیس شہریاں اور مسافراں نانہہ انتظامیہ سنگ تعاون کرن، سڑک حادثات ور روک لان اور ٹریفک قوانین ور عمل آوری یقینی

بنان غی ایپل کر رہی ہے۔ اس مہم غو مقصد سڑک ور چلن آلا بر اک شہری نانہہ محفوظ بنانو ہے۔ اس مہم با رے آکا شوانی غا ضلع نمائندہ پو نچھ سنگ کرتاں واں ایڈیشنل ایس پی مٹھین احمد نے اس طرح کہیو۔۔۔با نٹ۔۔۔

یہ خبر تم آکا شوانی جموں تیں سُن رہیا ہیں خبراں غا باقی حصہ نال طارق ابرار۔

India Paris Olympics

پیرس اولمپکس مانہہ 24 مسلح افواج اہلکار اُن 117 بھارتیہ کھلاڑیاں مانہہ شامل ہیں جہیڑا پیرس او لمپکس مانہہ حصولے رہیا ہیں۔ جس غو آغاز اس مہینہ غی 26 تا ریخ نانہہ ہو رہیو ہے۔ ان 24 کھلاڑیاں مانہہ 22 مرد شامل ہیں جن مانہہ اسٹار جوئین تھورر صوبیدار نیرج چوپڑا تے 2 کالسری وی شامل ہیں۔ وزارت دفاع نے کہیو ہے جے بھارتی دستہ مانہہ 2 کالسری فوجی اہلکاراں غی پہلی شرکت غی گواہ بنیں گی۔ 2020 مانہہ ٹوکیو اولمپکس مانہہ گو لڈ میڈلسٹ صوبیدار نیرج چوپڑا اک وار پھر اعلیٰ اعزاز غی دوڑ مانہہ شامل ہیں۔

IT Outrage

شہری بوابا زی غی وزارت نے کہیو ہے جے تما ہوائی اڈاں ور انر لائین نظام نے معمول غے مطابق کم کرنو شروع کر دتو ہے۔ ما نکرو سافٹ خرابی غی وجہ نال گذشتہ روز پروازاں غو نظام متاثر ہو گیو تھو۔ وزارت نے کہیو ہے جے پروازاں غا نظام مانہہ خلل آن غی وجہ نال پریشانی آئی تھی۔ جس نانہہ آہستہ آہستہ ٹھیک کر لیو گیو ہے۔ اور سرکار ہوائی اڈاں ور نگرانی کر رہی ہے۔ اور اُنر لائینز وی دوپا رہ ایڈجسٹمنٹ یاہ رقم غی واپسی مسافراں نانہہ یقینی بنا رہی ہے۔ واضع رہ جے 5 ہزار تیں متیں پرواز پو ری دُنیا مانہہ ہون آلی آئی ٹی رکا وٹ غی وجہ تیں متاثر ہوئی تھیں۔ بھارت مانہہ بہت ساری پرواز دیری غی شکار یاہ پھر منسوخ ہو گئی تھیں۔ ما نکرو سافٹ خرابی غی وجہ نال بھارتی فائننشل اور بے منت نظام بڑا پیمانہ ور متاثر نہیں ہوؤ تھو۔

LG Condolence

لیفٹنٹ گو رنر منوج سنہا نے فن ثقافت تے زبانان غی ترقی با رے اکیڈمی غا سیکریٹری بھرت سنگھ منہاس غا اچانک انتقال ور ڈونگا دکھ غو اظہار کیو ہے۔ اپنا تعزیتی پیغام مانہہ لیفٹنٹ گو رنر نے کہیو ہے اس دکھ غی گھڑی مانہہ ان غی ہمدردی غمزدہ کُنہہ سنگ ہے۔ چیف سیکریٹری اتل ڈولو نے وی بھرت سنگھ منہاس غی وفات ور ڈونگا دکھ غو اظہار کیو ہے۔

Samba Drive

ضلع قانونی خدمات اتھارٹی سانہہ نے ضلع کو رٹ کمپلیکس مانہہ زمین ور بہتر ماحول واسطے عام عوام مانہہ شعور پیدا کرن با رے اک بڑی شجرکاری مہم غو اہتمام کیو۔ جس مانہہ ضلع قانونی خدمات اتھارٹی غا چیرمین نے سیشن جج سانہہ عدنان سید مہمان خصوصی تھا جن نے پودا لا غے اس مہم غو آغاز کیو تے کہیو جے ضلع عدالت سانہہ آئندہ وقت مانہہ اک لکھ پودا لا وے گی۔ اُن نے مزید گل کرتاں واں آکا شوانی غا نامہ نگار سنگ گل کرتاں واں اس طرح کہیو۔۔۔ با نٹ۔۔۔

Congress

یوتھ کانگریس نے اج بی جے پی غی مرکزی سرکار گا اُس فیصلہ غے خلاف احتجاج درج کرایو جس مانہ مرکزی سرکار نے جموں کشمیر مانہ چناؤ توں پہلیں لیفٹنٹ گورنر غا اختیارات مانہ اضافو کیو ہے۔ کانگریس غا کارکن مہاراجہ ہری سنگھ پارک مانہ اکھٹا ہوا۔ جت اُن نے بی جے پی سرکار غے خلاف نعرہ بازی کی تے جموں خطہ مانہ بدبنتی دہشت گردی بارے وی آواز چائی۔ اس دوران پولیس نے اِن کارکنان مانہ روک دتو۔ جد کہ کجھ کارکنان مانہ حراست مانہ لے لیو۔

India Post Rakhi

بھارتیہ ڈاک نے رکشہ بندھن غا تہوار غے مد نظر لوکار توں اس مہینہ غی 31 تا ریخ توں پہلاں اپنی راکھی اپنا چاہتا لوکار تک پجان بارے کہیو ہے۔ یوہ مشورہ لوکار مانہ اس معاملہ ور کہتوں کہٹ مشکلات تے ہر پریشانی کہٹ ہون بارے دتو گیو ہے۔ بھارتیہ ڈاک نے اس گل بارے وی دسیو ہے جے لوک اپنا پارسل مانہ توڑ پجان واسطے زیڈ آئی پی کوڈ سنگ اپنو پورو پتو لکھیں تا کہ منزل ور پجان مانہ کوئی دقت پیش نہ آوے تے اپنو موبائل نمبر وی ضرور درج کریں۔ اس بارے وی کہیو گیو ہے جے کوئی وی آگ پکڑن آلی چیز پگلن تے سڑن گلن آلی چیز مانہ اک جگہ توں دوجی جگہ پیجن توں گریز کریں۔

Weather

محکمہ موسمیات نے 26 جو لائی تیں جموں خطہ مانہ پہاری بارشاں اور گرج چمک غی پیشنگوی کرتاں واں کہیو ہے جے 26 جو لائی توڑی جموں خطہ مانہ موسم گرم رہ گو۔ اور 26 جو لائی تیں بعد کجھ وقت واسطے پہاری بارشاں ہون غو امکان ہے۔ جس غی وجہ نال جموں خطہ غا کجھ حساس علاقاں مانہ پسی پین اور پتھر آن غو خدشوبے۔

اس غے نال ہی خبراں غو یوہ بلیٹن ختم ہوو۔